



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCXLIX. ad annum DCLXXVI.

Parisiis, 1644

Alivd Decretvm.

urn:nbn:de:hbz:466:1-15300

ALIVD DECRETVM.

ANNO
CHRISTI
656.

DIVTINIS tractationibus inueniri quod iustum est, & vt experientia est iudicantium comprobatur, ita & iuxta summi iudicii statuta plenior inuenitur auctoritas. Ideo mentis intentione, orisque simul, studia deducentes in cognitionem audiendi negotii, delatum est ad nos in conuentu sancti Concilii, ex directo gloriosi domini nostri Recceuinthi regis, per illustrem Vvambanem, testamentum gloriosæ memoriæ S. Martini ecclesiæ Bracarenfis episcopi, qui & Dumienfem monasterium visus est construxisse; vt referato eo quid hic memoratus beatissimus vir decreuisset nostræ cognitioni patefceret. Quo testamento in omnium Conuentu relecto, comperimus ex ordine a memorato principe ad nos esse directum: quoniam idem gloriosæ memoriæ sanctissimus vir decreuerat, vt succedentibus per ordinem regibus, ad complementum eius ipsius testamenti constitutio commendata maneret. Tunc deinde illatum est nobis testamentum Recimiri memoratæ ecclesiæ Dumienfis episcopi, quod de rebus suis in eadem ecclesia decreuerat examinatione veridica dirimendum.

Quo relecto cognouimus eundem auctorem suum illic diuersæ constitutionis edidisse condiciones: inter quas vnam validam conatus est religatione constringere, deputans & illationes tributorum, & precia frugum absque aliqua diminutione annua vice pauperibus erogari, nihilque esse absque deliberatione relictum, quo vsibus ecclesiæ possit quadam liberalitate seruire. Tunc ex voce partis Dumienfis ecclesiæ astrictum est, quod vniuersas species generis & corporis rerum, quæ in eiusdem ecclesiæ domo intrinsecus ad vsus domesticos ex tēpore suæ ordinationis idem episcopus Recimirus inuenit, & quæ ipse aut de opere vtriusque sexus artificum familiarum ecclesiæ potuit habere confecta, atque illata, aut quæ sua professione habuisse visus est conquisita, omnia moriens iussisset pauperibus erogari. Quædam vero ita vili precio vendi ordinasse, vt negotiatio earum rerum perditio potius quam mercatio censeretur. Addidisse quoque quosdam liberos ex eiusdem ecclesiæ familiis, quibus etiam cum

Subscribit
in VII. Tolet.
lect. numero
septimus.

aliis ad se pertinentibus omnibus, amplius quam quinquaginta reperitur vtriusque sexus dedisse mancipia. Quibus damnis ita cognitis, quia & cuncta remedia intrinsecus domus tam indiscrete largita fuerant, ne quid ad * integritatem ecclesie reliquum superesset, cum nulla imminens causa pauperum necessitatis existeret, * quæ hoc tam integre & perfecte examulsum erogari deposceret, atque pro libertis illis nihil secundum canonicam sanctionem datum in commutationem patesceret; sed nec pro mancipiis, & reliquis rebus eisdem libertis collatis, aliquid in representationem ecclesie relictum notesceret: verum & suam rem ita in nomine pauperum relegasset, ne aliquid remedii ex hoc ecclesiasticus usus attingeret, ducti sumus, tam rationis intuitu, quam paternarum sanctionum edicto, ipsius testamenti seriem, etsi non vsquequaque * in irritum deuocare, in quodam tamen, rationabili auctoritate, temperamentum deducere: scilicet, quia tantorum dispendiorum damnis, a memorato Recimiro episcopo factis, res ecclesiastica dignoscitur subiacere, omnis res eius, quam inde * legatam reliquit pauperum nomini, tamdiu Dumienſi ecclesie plena deseruiat facultate, donec omne hoc damnum, quod in utensilibus domus sustinuit, valeat euidentius reparari, ac tunc, completa restitutione damni, obseruetur, sicut decreta est, series testamenti. Liberti vero, qui ex familiis ecclesie facti sunt, & seu res vniuersa, quæ in mancipiis, aliisque corporibus, * vel illis suis hominibus collata esse dignoscitur, cuncta in discretionem venerabilis fratris nostri Fructuosi episcopi disponenda relinquimus: vt quia hæc euidentis ordo patrum in irritum deuocat, illius temperamentum hæc ad miserationem adducat, qualiter nec regulam paternam modus excedat, & miserationem seueritas non extinguat: vt secundum merita seruientium, & libertatis præmia, & rerum donaria, vel subtrahat, vel concedat. Editum sub die Kalendarum Decembris, anno feliciter octauo regni gloriosissimi domini nostri Reccesuinthi regis.

Eugenius indignus metropolitanus Toletanæ sedis episcopus hoc iudicii nostri decretum subscripsi.

Similiter & alii episcopi subscripserunt numero viginti.

ANNO
CHRISTI
656.

* digni-
tatem
* quæ in
hoc san-
cta lex
examul-
sum ero-
gare de-
prehenſa
est.

* in irri-
tum ra-
tionabili
tempera-
mento
deduce-
re:

* alliga-
tam

* vel illis
vel suis